



Inatsisartut

*Aningaasaqarnermut Ataatsimiititaliap
Finansudvalget*

Ulloq/Dato: 16. august 2011
J.nr.: 01.31.06/11-00543

Aningaasaqarnermut Naalakkersuisoq

Isertuussassaq

Aningaasaqarnermut Ataatsimiititaliap suliaq nr. 01.31.06/11-00543 pillugu ataa-sin-ngornermi ulloq 15. august 2011-mi aalajangiineranik Naalakkersuisunut ilisimatit-sineq.

Nummi inissianik 14-inik, ilinniartunut inissiatut siunertaqarfiusunik pisinisaaq

Naalakkersuisut **inassutigaa**,

- kontumi pingaarnermi 80.00.00-imi, Sanaartornermut atugassanut agguaan-neqanngitsunut tunngasumi, aningaasaliissutit 6,0 mio. kr.-inik ikilineqassasut, aamma
- kontumi pingaarnermi 83.30.12-imi, Utoqqaat angerlarsimaffii, suliassamut nr. 060.44.032-imut, Nummi utoqqaat angerlarsimaffiannut Ippiarsummut tunngasumut, aningaasaliissutit 9,5 mio. kr.-inik ikilineqassasut, aamma
- kontomi pingaarnermi 83.30.13-imi, Nuna tamakkerlugu paaqqinniffiit, suliassamut nr. 020.40.043-mut, Qaqortumi naalungiarsunnut angerlarsimaffiup pilersinneqarnera, anin-gaasaliissutit 9,1 mio. kr.-inik ikilineqassasut, aamma
- kontumi pingaarnermi 89.72.11-mi, Nammineq inissianik tapiissutitalimmik sanaartorneq, suliassamut nr. 996.37.056-imut Nammineq inissianik tapiissutitalimmik sanaartorneq, 2008, aningaasaliissutit 3,0 mio. kr.-inik ikilineqassasut, aamma
- kontumi pingaarnermi 87.00.88-mi, Nunaqarfinni isorliunerusunilu sanaartortitsinissamut pilersaarut, suliassamut nr. 996.29.105-imut, Nunaqarfinni isorliunerusunilu sanaartortitsi-nissamut pilersaarut, 2009, aningaasaliissutit 2,9 mio. kr.-inik ikilineqassasut, aamma
- kontumi pingaarnermi 84.40.15-imi, Ilinniartut inaannik sanaartorneq, suliassamut nutaamut nr. 060.52.069-imut, Nummi inissianik 14-inik kollegiassatut pisineq, aningaasaliissutit 2011-mi 30,5 mio. kr.-inik amerlineqassasut, aamma
- nuussinerit pinissaannut niuernerup piviusunnngortinneqarnera aalajangi-isuus-sasoq aammalu niuernerup piviusunnngortinneqanngippat nuussinerit inger-lanne-qassanngitsut

Aningaasaqarnermut Ataatsimiititaliap oqaaseqaatai

Naalakkersuisut annertunerusumik paasissutissiinissaasa utaqqineqarnissaa siunertaralugu suliama matumani isummernissani Aningaasaqarnermut Ataatsimiititaliap ulloq 4. juli 2011-mi kinguartippaa. Naalakkersuisut akissutaat maanna tiguneqarpoq.

Ataatsimiititaliami amerlanerussuteqartut, Inuit Ataqtigiit Demokraatillu akissut ataatsimut isigalugu naammaginartutut isigaat. Tamanna tunngavigalugu qinnuteqaat amerlanerussute-qartunit akuerineqarsinnaavoq. Tassunga atatillugu oqoqarnera pissutigalugu ilinniartunut inissiat maanna annertuumik amigaataanerat pissutigalugu Nummi ilinniartut inaasa pisaria-qartinneqartut piaartumik qulakkeerneqarnissaannik paasinninnertik amerlanerussuteqartut

oqaatigiumavaat. Tamanna minnerunngitsumik pisariaqarpoq ukiup atuarfiusup ilinniarfiusullu maanna aallartilernerani. Tamatuma saniatigut aningaasaliissutinik nuussinissamik qinnuteqarnermut tunuliaqutitut Naalakkersuisut tunngavilersuutaat amerlanerussuteqartunit innersuunneqarput. Naalakkersuisut akissutaat ilanngussatut ilanngunneqarpoq.

Ataatsimiititaliami ikinnerussuteqartut, Siumup ilaasortaatitaasa qinnuteqaat akuerisinnaanngilaat. Ilinniartut inaasa amerlineqarnerat ikinnerussuteqartunit sumilluunniit ajoriffissaqartineqanngimmat ikinnerussuteqartunit erseqqissaatigiumaneqarpoq, illutalli aningaasalersuutisaattut siunnersuutigineqartut ikinnerussuteqartunit taperserneqarsinnaanngillat. Taamaalillutik Nuummi Ippiarsuup allilernerqarnissaanik pilersaarummut aammalu Qaqortumi meeraaqanut angerlarsimaffiliornissamik pilersaarummut aningaasaliussat nuunneqarnissaat Naalakkersuisut qinnutigaat. Pilersaarutit taakku pilersaarutaaqqaartutut piviusunngortineqartariaqartut aningaasaliissutillu taakku nuunneqarnissaannut Naalakkersuisut tunngavilersuutaat naammaginangitsut ikinnerussuteqartut isumaqarput. Kiisalu nunaqarfinni isorli-unerusunilu sanaartugassat pillugit kontumi pingaarnermi aningaasaliussanit nuussinissaq Naalakkersuisut aammaarlutik qinnutigaat, tamannalu ikinnerussuteqartut aammalu Aningaasaqarnermut Ataatsimiititaliap tamarmiusup arlaleriarluni akerlerisarsimavaa. Aningaasaqarnermut Ataatsimiititaliap apeqqutai tunngavigalugit aningaasalersuutissanik allanik Naalakkersuisut nassaarniarnissaat ikinnerussuteqartunit neriutigineqarsimagaluarpoq, tamannali Naalakkersuisunit malinniarneqarsimannngilaq. Tamanna tunngavigalugu qinnuteqaat ikinnerussuteqartunit akuersissutigineqarsinnaanngilaq.

Amerlanerussuteqartut kissaataat naapertorlugu aalajangiisoqarpoq.

(1) Pisinerup inernera pillugu Naalakkersuisut nammineeurlutik ataatsimiititaliamut ilisimatitissuteqarnissaat qinnutigineqarpoq. Aalajangiineq una tamatuma pinissaa tikillugu isertuunneqassaaq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliami amerlanerussuteqartunit **akuersissutigineqarput**.

Aningaasaqarnermut Ataatsimiititaliap sinnerlugu

Olga P. Berthelsen
Aningaasaqarnermut Ataatsimiititaliap siulittaasua